

Edin Šestan, dipl.def.somatoped - Magistarski rad

Fakultet/Akademija	EDUKACIJSKO REHABILITACIJSKI FAKULTET
Tip Rada	Magistarski rad
Kandidat, zvanje	Edin Šestan, dipl.def.somatoped
Naziv Teme	Socijalni aspekti suicida mladih na području Tuzlanskog kantona
Rezime/Abstract	<p>U uvodnom dijelu razmatra se suicid općenito, sažimaju se brojni motivi suicida opisani u literaturi i iznose gledišta različitih teorija koje počivaju na psihoanalitičkim, kognitivnim i interpersonalnim polazištima, kako bi se stekao uvid u fenomenologiju samoubica, odnosno odgovorilo na pitanje u kojim se slučajevima ljudi mogu smatrati suicidalnima. Cilj istraživanja je na kritički i komparativan način utvrditi i analizirati teorijska objašnjenja, rasprostranjenost, socijalne faktore rizika i oblike samoubistva mladih, kao i istražiti individualne, porodične i sociokulturne faktore koji imaju odlučujući uticaj na nastanak i razvoj pojave samoubistva mladih u istraživanom periodu na području Tuzlanskog kantona. U istraživanju su korišteni sekundarni izvori podataka. Retrospektivnom studijom bilo je obuhvaćeno 418 osoba oba spola, starosti 14-91 godine koje su izvršile suicid na području Tuzlanskog kantona u periodu od 2005.-2011. godine. U drugom dijelu rada navode se podaci o učestalosti samoubistva mladih i analiziraju rezultati više studija. Posebno se razlažu faktori koji predstavljaju stvarni rizik za suicidalnost mladih. Obraden je ukupan broj samoubistava te samoubistva po spolu, dobi, bračnom statusu, vjerojatnom motivu, načinu i mjestu izvršenja, mjesecu, danu i satu izvršenja. U periodu 2005.-2011. samoubistvo je ukupno izvršilo 418 osoba gdje je stopa suicida 6,7% na 100.000 stanovnika. Od toga je evidentirano 55 samoubistava mladih osoba u dobi do 30 godina, najčešći način samoubistava je vješanje, a najviše samoubistava evidentirano je u martu i julu, gledajući dob dana najviše samoubistava učinjeno je u prijednevnom satima između 6 i 12 sati. Najveći broj samoubistava mladih 52,72% bilo je u dobi od 18 do 25 godina, a muškarci češće čine samoubistvo u odnosu na djevojke u omjeru 5,1:1. Među motivima samoubistva najviše su zastupljeni emotivni problemi gdje je zastupljenost 18,81%. Najveći broj suicidalnata su imali loše materijalne prilike gdje je zastupljenost 69,09%, isto tako najveći broj suicidalnata izvršile su nezaposlene osobe 35 ili 63,63%, broj učenika je 9 ili 16,37%, a zaposlenih osoba koje su sebi oduzele život bilo je 11 ili 20%. Zadnji dio posvećen je pristupima prevenciji i analizi međusobno povezanih preventivnih zahvata. U zaključku se naglašava da je suicidalnost mladih ozbiljan socijalno-patološki problem savremenog življenja i daju preporuke prevencije suicida mladih na području Tuzlanskog kantona. Ključne riječi: mladi, suicid, rizični faktori, prevencija suicidalnog ponašanja</p>
Datum	18.09.2013
Predsjednik	Dr. sc. Ranko Kovačević, van.prof. za užu naučnu oblast „Poremećaji u ponašanju“
Mentor	Dr. sc. Ranko Kovačević, van.prof. za užu naučnu oblast „Poremećaji u ponašanju“
Član komisije	Dr. sc. Meliha Bijedić, docent za užu naučnu oblast „Poremećaji u ponašanju“
Član komisije	-
Član komisije	-
Zamjenski član	dr.sc. Nijaz Karić, vanredni profesor, uža naučna oblast „Socijalni rad u lokalnoj zajednici“
Dodatni detalji i lokacija	18.09.2013. godine u Sali Edukacijsko-rehabilitacijskog fakulteta sa početkom u 14.00 sati
Završne Odredbe	Pristup javnosti je slobodan. Magistarski rad se može pogledati u Sekretarijatu Fakulteta za tjelesni odgoj i sport Univerziteta u Tuzli, svakim radnim danom od 8.00 do 16.00 sati.